



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Quòd homo non reputet se consolatione dignum, sed magis verberibus
reum. lii

[urn:nbn:de:hbz:466:1-45790](#)

2. Tunc expedit tibi ad humilia & exteriora opera confugere,
 & in bonis actibus te recreare, aduentum meum & supernam vi-
 sitationem firma confidentia expectare, exilium tuum & aridita-
 tem mentis patienter sufferre, donec iterum a me visiteris, & ab
 omnibus anxietatibus libereris. Nam faciam te laborum obliuisci,
 & interna quiete perfaci. Expandam corā te prata scriptura-
 rum, vt dilatato corde, currere incipias viam mandatorum meo-
 rum. Et dices: Non sunt condigne passiones huius temporis, ad futu-
 ram gloriam, que renelabitur in nobis. Rom. 8:1

CAPVT LII.

*Quād homo non reputet se consolatione dignum, sed
 magis verberibus reum.*

1. D OMINE, non sum dignus cōsolatione tua, nec aliqua spiri-
 tuali visitatione; & ideo iustē mecum agis, quando me ino-
 pem & desolatum relinquis. Si enim ad instar maris lachrymas
 fundere possem, adhuc consolatione tua dignus non essem. Vnde
 nihil dignus sum, quād flagellari & puniri; quia grauiter & sāpe
 te offendit, & in multis valde deliqui. Ergo vera pensata ratione,
 nec minima sum dignus consolatione. Sed tu clemens & miseri-
 cors Deus, qui non vis perire opera tua, ad ostendendum diuitias
 bonitatis tuae in vasa misericordiae, etiam pr̄ter omne proprium
 meritū, dignaris consolari seruum tuum supra humanum mo-
 dum. Tuā enim consolationes non sunt sicut humanæ confa-
 bulationes.

2. Quid egī Domine, vt mihi conferres aliquam cālestēm con-
 solationem? Ego nihil boni me egisse recolo, sed semper ad vitia
 prōnum, & ad emendationem pigrum fuisse. Verum est, & nega-
 re non possum. Si aliter dicerem, tu stares contra me, & non esset,
 qui defenderet. Quid merui pro peccatis meis, nisi infernum &
 ignem æternū? in veritate confiteor, quoniam dignus sum om-
 ni ludibrio & contemptu, nec decet me inter tuos deuotos com-
 memorari. Et licet hoc xgrē audiam, tamen aduersum me pro-
 veritate, peccata mea arguam, vt facilius misericordiam tuam
 merear impetrare.

3. Quid dicam reus, & omni confusione plenus? Non habeo os
 loquendi, nisi hoc tantūm verbum: Peccauī Domine, peccauī; Psal. 50.
 miserere mei, ignosce mihi. Sinc me paululum, vt plangam do- Iob 10.
 lorem meum, antequam vadam ad terram tenebrosam & oper-
 tam mortis caligine. Quid tam maximē a reo & misero peccato-
 re requiris, nisi vt cōteratur & humiliet se pro delictis suis? In ve-
 ra contritione & cordis humiliatione nascitur spes venia, recon-
 ciliatur perturbata conscientia, reparatur gratia perdita, tuerit
 homo

Cc 5

410 DE IMITATIONE CHRISTI
homo à futura ira, & occurrit sibi mutuo in osculo sancto, Deus
& pœnitens anima.

4. Humilis peccatorum contritio, acceptabile tibi est Domine
sacrificium: longè suavitatis odorans in conspectu tuo, quam thu-
ris incensum. Hæc est gratum etiam vnguentum, quod sacris pe-
dibus tuis infundi voluisti, quia cor contritum & humiliatum
nunquam despexit. Ibi est locus refugij, à facie iræ inimici. Ibi
emendatur & abluitur, quicquid aliunde contractum est & in-
quinatum.

C A P V T L III.

Quod gratia Dei non miscetur terrena sapientibus.

1. **F**ili, pretiosa est gratia mea, non patitur se misceri extraneis
rebus, nec consolationibus terrenis. Abiicere ergo oportet
omnia impedimenta gratiæ, si optas eius infusionem suscipere.
Pete secretum tibi, ama solus habitare tecum, nullius require cō-
fabulationem; sed magis ad Deum deuotam effunde precem, vt
compunctam teneas mentem & puram conscientiam. Totum
mundum nihil aestima; Dei vacationem omnibus exterioribus
antepone. Non enim poteris mihi vacare, & in transitorijs pariter
delectari. A notis & à charis oportet elongari, & ab omni tem-
porali solatio mentem tenere priuatam. Sic obsecrat beatus Apo-
stolus Petrus, vt tanquam aduenas & peregrinos, in hoc mundo
se contineant Christi fideles.

2. O quanta fiducia erit morituro, quem nullius rei affectus
detinet in mundo! Sed sic segregatum cor habere ab omnibus, æ-
ger necdum capit animus; nec animalis homo nouit interni ho-
minis libertatem. Attamen, si verè velit esse spiritualis, oportet
cum renunciare tam remotis quam propinquis, & à nemine ma-
gis cauere quam à seipso. Si temetipsum perfectè viceris, cetera
facilius subiugabis. Perfecta victoria est de semetipso triompha-
re. Qui enim semetipsum subiectum tenet, vt sensualitas rationi,
& ratio in cunctis obediat mihi: hic verè vixtor est sui, & Domi-
nus mundi.

3. Si ad hunc apicem scandere gliscis, oportet viriliter incipere,
& securim ad radicem ponere; vt cuellas & destruas occultam
inordinatam inclinationem ad te ipsum, & ad omne priuatum &
materiale bonum. Ex hoc vitijs, quod homo semetipsum nimis
inordinate diligit, penè totum penderit, quicquid radicaliter vin-
cendum est. Quo deuicto & subacto malo, pax magna & tran-
quillitas erit continuò. Sed quia pauci sibiipsis perfecte mori la-
borant, nec plenè extra se tendunt, propterea in se implicati re-
manent, nec supra se in spiritu eleuari possunt. Qui autem liberè
me cum ambulare desiderat, necesse est, vt omnes pratas & inor-
dinatas

*Acta 7.
Psal 50.*

Matt. 19.

2. Pet. 2.